

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Caput XXIII. De tractatu, quem jussu Dei conscripsit, de virtute perfecta & imperfecta, nec non de modo quo se Deus communicat animæ.

urn:nbn:de:hbz:466:1-38580

riam, quam omnes Angeli & Sancti, qui visionibus jam allatis, & alijs admirandis, sunt & erant unquam in Cœlo, simul sumptu quo deinceps referentur. •S(*)*•

habeant. Quid ista famula DEI ceperit ex hoc libro, patebit ex revelationibus &

CAPUT XXIII.

De tractatu, quem jussu DEI conscripsit, de virtute perfecta & imperfetta, nec non de modo quo se DEUS communicat animæ.

§. I.

Mota igitur à DEO Dominu Nostro, & ipso jubeante ac volente, sine cuius jussu ac voluntate miserabilis muliercula, qualis ego sum, tam rudit, & insufficiens, non potest tantum præsumere, ut quidquam loquatur & scribat, neq; par est, ut sit usq; adeo audax, dicam hac de re, id, quod me Dominus docuerit, cum ad hoc præstandum non habeam alios libros, neq; alium Doctorem, quam Divinam Majestatem. Quantum igitur à DEO illuminata intelligo, dico, quod, quemadmodum est reperire aurum falsum & purum, & hoc ipsum purum aurum aliud est perfectius & præstantius alio, ita se habeant virtutes. In primis enim invenitur virtus falsa & apparens, sicut aurum falsum, quia licet anima sit plena vanitate ac inanitate, vult tamen præferre, ac præferat falsam quandam & apparenrem virtutem, de qua nihil non est animus hoc loco multum differere: qualis enim causa, talis quoq; erit illius effectus, & plerumq; erit vanitas ac mendacium, utpote proveniens ab anima vana, ac plena illius falsæ virtutis.

Prætermissa itaq; istâ, volo agere speciалиus de alia, quæ licet non sit falsa, non est tamen etiam ex ijs, quæ mereatur nomen auri obrizi, & est virtus quædam qua-

Zzz 3 emer.

si naturalis, propter id, quod habet admixtum, sicut aurum, quod non est omnino purum. Reperire vero illam est in nonnullis animabus, cuius principium, ac forte etiam perfectio oritur ex natura, cum qua DEUS animam condidit, adeo ut hæc illius solius ductum sequatur, nihilq; suo proprio conatu acquisiverit, vel acquirat, neq; sit quidquam lucrata; verum vitam agat tepidam, opereturq; duntaxat secundum naturam, quæ est à DEO prædicta, non utendo ipsa bene, ut illa adjuvante asservetur perfectum amorem DEI, neq; cum ea naturali virtute, quam ipsi DEUS contulit, faciendo opera, quæ non tam ex perfecto procedunt amore DEI, quam ex bona natura, & propensione. Anima hanc solam habens virtutem non est sufficienter disposita, ut DEUS in ea operetur istas speciales suas misericordias, de quibus nobis est sermo; ideoq; si quis habuerit hanc virtutem, & cum illa expertus fuerit hujusmodi inusitatas gratias, de quibus loquimur, equidem illis non multum credidero. Istam vero virtutem esse quasi naturalem & imperfectam, neq; ortam præcipue ex perfecto amore DEI, intelligi potest ex eo, quod hæc anima per omnem vitam sibi maneat similis, eodemq; procedat passu, absq; ullo progressu aut profectu in virtute, & perfecto DEI amore, quodq; nunquam habuerit, nec habeat vincendas difficultates, sed neq; sui ipsius cognitionem, quæ illam immutet & convertat, atq; animet ac incitet, ad

emergendum ex sua tepiditate & socordia, ac ad progrediendum, ut cum ea naturali asequatur perfectam virtutem ac amorem DEI, quo caret. Ex his, & alijs hujusmodi, poterit cognosci imperfectio istius virtutis.

Præterea reperitur & alia virtus quasi naturalis, quamvis diversa à præcedenti, quæ inclinat & naturaliter reddit bene affectam animam erga bonum, & omnem virtutem; adeò ut revera illam inquirat, ac optet prorsus serio: cùm enim virtus sit secundum se tam bona ac amabilis, ut aestimetur à quoq; animo bene disposito, & prædicto bonâ naturâ ac iudicio, fit, ut is qui hanc bonam habet naturam, interdum illius ductu sectetur virtutem, & quidquid illi videtur bonum, magno conatu ac promptissimè, eóq; amplius, si una adsit (quemadmodum fortè plerumq; accidit) quidam naturalis appetitus: atq; ut id faciat cum intimo ac secretissimo quodam desiderio proficiendi ac progrediendi altius, asequendiq; & possidendi, quidquid exoptat ac putat esse bonum, vel consentaneum rationi: unde fit, ut tum virtutem longè desideret efficaciùs & ardentius. Inter alia verò indicia, ex quibus possit intelligi, hanc virtutem non esse ex ijs, de quibus agimus, quæ sunt instar puri & præstantissimi auri, est istud. Si ista anima usq; adeò propensa in id, quod optat, quamvis sit, vel appareat esse virtus, & aurum purum, ut pro eo, quod cupid, obtinendo, videatur confici, si in quam advertat id à se tam vehementer ac immoderatè appeti, ut præterea vivat afflita, inquieta, ac desolata, sēq; nullo unquam solatio frui vel pace internâ. Ut vero possit is, cui incumbit cura talis animæ, ejusq; directio, cognoscere affectum, & reconditum ipsius statum (quamvis solus DEUS sufficiat ac possit illum reipsâ & verè penetrare) advertat, an eadem anima se interdum affectu & voluntate affigat quibusdam rebus, aut alicui, præter virtutem, quamvis non sit mala, qualis est amor alicujus rei specialis, sive sint diuitiae, sive honor, sive propensio erga co-

gnatos, vel aliud quid simile. Si aliquid ejusmodi adhæret tali animæ, signum est, quod bona illa natura, de qua loquimur (quamvis ex se sola non habeat veram virtutis substantiam) etiam non excludat istum defectum desiderij & appetit immoderatè, quo fertur in id quod concupiscit, & vellet consequi. Quando haec virtus est ac reperitur in anima, & ipsa existimat, ac dicit, se visitari à DEO & ejus Sanctis, fruiq; eorum alloquio, ego mihi non persvadeo, id esse verum.

Alia virtus inventitur, quæ est verè perfectissima, & instar illius purissimi auri, quod aestimatione nostrâ est omnium præstantissimum; hanc autem habet anima, cui ipsam DEUS est dignatus dare, & impertiti istud tam excellens & pretiosum cimelium. Haec virtus respicit solum DEUM & perfectissimè ad illum tendit, propterq; ipsum operatur, & in solo conquiescit, illum solum haber pœculis, ac ad eundem ex intimo corde fertur suis desiderijs, atq; affectibus. In quo modo exequenda & exercenda virtutis, nullum videtur habere locum bona natura, vel quidquam aliud, quod animam possit incitare ad peragenda ea opera & actus virtutis, præter solum DEUM ipsum ac Dominum, qui jam illam, quasi dominum suam, possidet, ideóq; ab illo procedunt ejusdem animæ desideria, & ad ipsum revertuntur. Quodsi aliquando operâ diaboli, vel ex motu corrupta activitas naturæ, nobis congenita, quam semper nobiscum ferimus, instar gravissime crucis, quantumcunq; illam velimus frenare ac domare, fuerit suscitatus in hac anima aliquis terræ motus temptationum & adversitatum, ut eo tempore omnia susq; dēq; videantur verti, & natura satagit pro domo sua, atq; aliquo modo videatur velle imperare, & subinde asequi suum finem in quibusdam reculis, ac præter fas, à pedibus modicūm esse progradi ad manus: quando, inquam, istud evenit in hac anima virtuti dedita, quæ instabiliter inhæret suo DEO, non propriæ cogitandum est, eam virtutem non el se per-

se perfectam, aut non esse bene fundatam in anima, quæ potius proculdubio inde evadet firmior ac securior, perfectior, atq; fortasse gravior oculis sui DEI & Domini, per pœnitudinem, ac dolorem de admissiis peccatis, & clariorem cognitionem suæ miseriae ac vilitatis, nec non bonitatis DEI, qui illam tolerat, & non puniit. Atq; unum è veris signis, quæ haberi possunt, pro agnoscenda vera virtute, est hoc, si per DEI misericordiam, & ipso adjuvante, elicit prædictum fructum ex defectibus, in quos labitur pro sua miseria, & quidem subinde, ac sæpe DEO id permittente, ad majus bonum hujus animæ, quam Divina Majestas tantopere amat. Unde utiliores aliquâ ratione existimo esse hos defectus, quia DEUS ex ipsis frequentius, pro sua bonitate ac Sapientia, elicit extuperantiam honorum, quam ex illis quasi excessibus virtutis, de quibus loquemur, earum animarum, quas non mover tam perfectè ad operandum solus amor DEI, sed illæ causa & natura, de quibus nobis sermo fuit. Aliud signum vere virtutis & perfecti amoris DEI est, quod anima, quæ illam habet ac possidet, nunquam affectu adhæreat ulli rei terrenæ, sed omnia substernat pedibus, solusq; DEUS ipsis & Dominus, sit illius bonus ac divitiae, & principium in omnibus rebus, atq; ultimus earum finis. Dico autem, affectu. Quia poterit ubiq; fieri, ut patiatur aliquos infultus, quibus tamen non prosteretur, & licet modicum attenuetur, Divinâ nihilominus gratiâ subveniente, non conuassabitur.

§. II.

Declaratis jam his virtutibus, earumdemq; discriminibus, dicam modò, Divinâ aspirante gratiâ, quod mihi magis propositum est, magisq; vult DEUS. In primis, quod attinet ad primam falsam & apparentem virtutem, de qua sum loquuta, non est, cur tempus in ea exponentia teratur, quia, sicut dixi, quidquid prævenerit ex mendacio & vanitate, plerumq;

erit mendacium & vanitas, nisi aliquid accidat insolitus, eò quod infinita Sapientia DEI vellet, ex suis incomprehensibilibus judicijs, se manifestare & communicare, ac pandere suum secretum, ob sublimem aliquem finem, illi animæ miserabili, & exosæ ejus oculis, propter ipsius peccata, & vanitates, quemadmodum Divina Majestas egit cum Sancto Paulo, persecutore suæ Ecclesiæ: adeoq; si DEUS aliquando tale quid fecerit, quantociùs apparet, ipsum esse authorem istorum mirabilium, & hujus operis, ex effectibus, quos producit in ea anima, id quod fieri, quando illam illuminabit, ut se cognoscat, & emendet sua peccata ac vanitates, amplectaturq; effectum & substantiam boni in eo, quod ipsi est revelatum, ac dictum nomine DEI.

Quod concernit virtutem quasi naturalem, quam dixi, reperiri, & esse in quibusdam animabus, ab ipso earum exortu (quæ est specialissima misericordia, quam illis DEUS præstat, dum eas creat cum illa bona natura, quæ est excellentissima dispositio, pro perfectè exequendis operibus, spectantibus ad ipsius honorem, modo illâ scirent bene uti) dico, me non existimare, esse sufficientem dispositionem istius animæ, quod jam dixi, ut DEUS illum visitet, vel in ipsa peragat hæc peculiares suæ misericordiæ opera, de quibus loquimur; atq; si dicat, le eas habere, ego illi non multum credo, quia ordinariè se communicat DEUS ejusmodi animæ, ita ut ipsi det inspirationes, quibus incitata progrediatur, proficiendo in virtute, emergatq; ex ea societate, in qua vivit, & conetur, utendo suâ bonâ naturâ, tendere ad assequendam verè perfectam virtutem, & perfectum amorem DEI. Dabit quoq; illi Divina Majestas frequenter magnum gustum, ac syavitatem in meditatione, & ponderatione mysteriorum sanctissimæ ipsius vitæ & mortis, idq; tantum idèo faciet, ut illam juvet pertingere ad finem, quem Divina Majestas desiderat. Siquidem enim illam DEUS amat, amavitq; jam inde ab initio, & propter hunc

amorem,

amorem, quo erga illam ferebatur, ipsamq; propter suam bonitatem respexit oculis misericordiæ suæ, ut illi daret istam bonam naturam ac dispositionem pro maijore ipsi^o profectu; nihil dubito, quin eandem sit semper adjuturus istis suis gratijs, ut hac ratione bene afficiatur erga Divinam Majestatem, atq; erga id, quod est perfectius in virtute: qui est uisitator modus, quo se D E U S tali animæ communicat. Alia verò ista specialia timeo, ne abludant à vero: sed quia non est admodum perfecta, nec habet tantam cognitionem tum sui ipsius, tum Magnitudinis ac Sapientiæ Divinæ, & experitur sibi fieri illam gratiam interdum à D E O, de qua loquor, sumit inde fortassis occasionem, quia non est adeò sapiens, & parum inteligit, dandi locum imaginationi, sibiq; persuadendi, eam, quæ est visio imaginaria, esse intellectualem, & spiritum proprium, esse Spiritum D E I; atq; etiam diabolus conatur se híc ingerere, quam maximè potest: quorum nihil fieret, si haberet veram cognitionem tam necessariam. Videret tum & cognosceret se non mereri, nec esse dignam istis honoribus, vel his visitationibus, & allocutionibus Divinis, neq; etiam ipsi talia modo convenire: sed procederet, quoad rem præsentem, viā ordinariâ. Hoc mihi videtur de statu istarum animarum, loquendo in genere, & sicut ordinariè solet fieri: quia nihil volo dicere de casu aliquo extraordinario Divinorum judiciorum: atq; si is eveniret, existimo non defutura indicia clarissima, per quæ agnosceretur, esse D E U S author operis, ex ijs, quæ in tali anima ageret, vel per alia bona, quæ inde resultarent. Tamen, licet hoc sit verum; & ego itâ esse credam, audeo affirmare, me citius de bonitate D E I credituram, loqui, & loquutram aliquando divinam Majestatem illi animæ seductæ, de qua disserimus, propter aliquem valde sublimem ac necessarium finem, quam isti, de qua nunc ago, idq; ob duas rationes. Una, & præcipua, est, magnitudo Divinæ bonitatis, propter quam dignatur Divina Majestas oculis mi-

sericordiæ suæ respicere illam animam, perditam, ideóq; indigam ipsius gratias ac misericordiæ, quæ ablq; tali Divina vi, taliterq; operante potente manu D E I, procul dubio periret, maneretq; perpetuo immersa illis suis miserijs, & mancipata diabolo. Altera ratio est, quia æquum est, ut Divina Majestas subinde tam magna opera faciat, pro animandis & consolandis peccatoribus ac imbecillibus, idemq; conducit ad majorem ipsius gloriam, ut hac ratione magis agnolcatur ejus beatitas & potentia infinita, ac magnitudo & omnipotencia, quâ potest quidquid vult, & ablq; ulla aliorum injurya, alijs praefit magnas gratias: quæ omnia non ita habent locum in statu harum animarum, de quibus modo sum loquuta. Ac proinde, ut est D E U S tam sapiens ac bonus, existimo & credo, quod sua opera peragat, ubi sunt magis necessaria ac proficia animabus, & ubi ex illis derivari potest majus bonum in mundum, atq; major gloria in suam Majestatem.

§. III.

Altera virtus, quæ etiam non est sufficiens dispositio, ut D E U S in anima operetur has speciales suas gratias de quibus loquimur, est, quam dixi moveri magis à proprio appetitu & vehementer natura ac privato commodo, eti non malo, quam à D E O, licet id non agnoscat, nec bene intelligat, quod quidem fortè est maximum ipsius malum, summumq; inconveniens, quò minus progressum faciat in virtute, si nimur non cognoscere suas passiones. Ideóq; existimo, si hæc anima diceret, se visitari à D E O, & ejus Sanctis, cum ijsdémq; loqui, similicer, me non multum id credituram: cùm sit certissimum, quod D E U S se nunquam communicaturus sit hoc modo animabus tam imperfectis, nisi in aliquo extraordinario casu; id quod rarissime eveniet, quando Divina Majestas voluerit ostendere suum bonitatem, & sapientiam, in manifestando aliquo suo arcano isti animæ, ac affi-

mere talem personam pro suo instrumen-
to, ad peragendum aliquod grande opus,
& valde utile ac proficuum animabus,
propter talentum ac dispositionem, quam
Divina Majestas forsitan in ipsa reperit,
capacitatis & virium, ut aggrediatur ma-
gna, quia natura istius animæ vehemens
& quasi præsumptuosa est secundum se
ad tale aliquid agendum disposita. Etiam-
si enim verum sit, DEUM non indigere,
ut faciat, quod vult, istis præparationibus
ac dispositione, sed posse optimè, & absq;
ulla difficultate, idem facere in alia ani-
ma, prædicta perfectiore virtute, licet care-
ret istiusmodi dotibus naturæ, amat ni-
hilominus Divina Majestas, quasi suum
ordinem & cursum rebus relinquere, &
eadem opera præstare plura, quod hic Di-
vina Majestas agit: quia ex isto opere re-
sultabit auctior virtus istius animæ, &
solatum ijs, qui sunt imbecillæ virtutis, nec
non summa gloria Divina Majestati.

Sed præmissis his admirandis DEI ope-
ribus, & istis tam raris ac insolitis casibus,
ut loquar de eo, quod communius & ple-
rumq; accidit, dico, me his animabus ad-
huc amplius metuere, quam præcedenti-
bus, ne seducantur à diabolo? quia sunt
magis dispositæ, ut ab ipso decipientur, ob
illum naturalem appetitum impetuosum,
quo feruntur ad desideranda majora, &
præstantiora, dum sibi videntur, à bonita-
te eorum, quæ desiderant, reddi securæ, &
non considerant fundum ac radicem cor-
dis, unde pullulant hæc desideria, & iste
appetitus virtutis; quæ radix fortè non
est solus DEUS, et si ipse non bene per-
cipiant: siquidem perfecta desideria ani-
mæ, ac in primis ea, quæ tendunt ad per-
fectam virtutem, debent incipere, atq;
etiam desinere in solo DEO: nisi enim
id fiat, est opus valde imperfectum, mul-
tumq; illi deest. Et in hoc non oportet
animam admiscere quidquam desiderij
rerum eximiarum, quas sibi soli optet,
sed necesse est, illam sic dispositam esse ad
desiderandum perfectè ac verè DEUM,
ipsiusq; gloriam & voluntatem, ut si Divi-
na Majestas vellet (quod quidem non vult,

neq; omnino volet) dare illi modicam
virtutem, hæc ei sufficiat, scq; humiliet ac
sincerè allaboret, ut inquirat & asequa-
tur perfectam virtutem, in qua invenitur

DEUS, ac ejus amicitia & gratia, quæ so-
la satiat animas, verè ipsum quærentes ac
desiderantes. Dico autem has animas
esse magis dispositas, ut seducantur illusio-
nibus diabolis, quia propter vehemens
illud & immoderatum desiderium, quo
volunt indipisci virtutem, & in eo excellere,
dum ipsis videtur esse virtus, & non
vitium, id quod cupiunt, ideoq; in hoc
non esse servandam mensuram, subintrat
diabolus, suggestens ipsis, nihil ab illis desi-
derari, nisi quod sit bonum, cuperéq; eas
quam maxime servire DEO, atq; dum
illis id perfidet, occultat, quod subelt his
desiderijs, estq; admixtum: ac proinde con-
natur ipsis alloqui, ac decipere dissimu-
lanter, & inducere, ut hoc libenter habe-
ant, ac desiderent, quò postea possit meli-
us præstare, quod consuevit, ipsásq; sedu-
cere aliquibus mendacijs: dicit illis, optimum
esse & convenientissimum, desi-
dere, quod bonum est, magisq; proficu-
um propriæ animæ, & conducibilis ad
gloriam DEI: atq; cur id non posset desi-
derari, ut ipsis DEUS dignetur tantam
dare virtutem, quâ promereantur, ut DE-
US illas alloquatur ac visitet. Sed pro-
bus ac discretus Confessarius (quo utroq;
ipse summè indiget, ut possit de hoc nego-
tio ferre judicium, adeò ut si id illi deef-
set, maximè verò prius, ego nolle habe-
te talem Confessarium) agnoscat hæc al-
loquia esse diaboli, ex substantia virtutis
istiarum animarum, quam poterit inde in-
telligere, si modicum, vel nullum fructum
aut commodum istæ animæ capiant ex
his alloquijs. Imò si rem bene expendat,
videbit & agnoscat, quòd in dies agant
profundiores in ipsis radices illi defectus,
& augeantur. Hæc enim sunt com-
moda, & hi fructus, quos anima percipit
ex ipsis alloquijs, ac malâ linguâ diaboli,
& ex his ipsius dolis ac illusionibus: quâ
quidem ratione illam conatur perdere,
ipsiq; impedire misericordiam & gratiam

Aaaa

quam

quam, meâ opinione, DEUS istis animabus præstaret, visitando illas ex sua bonitate, & magno amore, quo erga eos feratur. Quod autem illis crederem, si mihi, se id habere dicerent, esset: inspirari ipsis à DEO secretè ac svaviter, quod Divina Majestas videt & cognoscit, ijs esse necessarium, juxta ipsarum naturam: hoc enim faciet Divina Majestas semel atq; iterum, ut ita; ubi adjuta fuerint ab ipsis misericordia, illis obveniat pax bonorum ac verorum desideriorum, paulatimq; amoliantur, quidquid est nimium in natura, & amplectantur, quod est verè perfecta virtus, ac perfectus amor DEI. Etiam hæ animæ non sunt dispositæ, meo judicio, ut se illis DEUS communicet cum benedictionibus dulcedinis. Hoc est, quod mihi videtur, de istis animabus.

§. IV.

QUOD attinet ad postremam & perfectam virtutem, quam dicebamus, esse instar præstantissimi auri, ajo, illam esse optimam & excellentissimam dispositionem, ut DEUS in ea anima, quæ ipsam habet, operetur, ex sua bonitate & sapientia ac misericordia, istas singulares gratias, de quibus loquimur, visitando illam per se ipsum, ac per suos Sanctos, & communicando se ipse, manifestandóq; illi sua Divina & celestia arcana, ut ira delibet, atq; aliquomodo probet, id, quod ex ipsis bonitate ac misericordia habitura, & quo fruitura est in Cœlo. Et hoc usq; adeò verum est, ut mihi id persuadeam de bonitate DEI indubitanter, nullam ex ipsis fortunatis animabus, quæ sunt consecutæ hanc perfectam virtutem (per bonitatem ac misericordiam DEI, cui ipsæ cooperantes faciunt modicum illud, quod possunt) fore, cui non præstet Divina Majestas alias hujusmodi suas gratias, plures vel pauciores, pro Sancta sua voluntate & infinita Sapientia, ac dispositione talis animæ, excepto aliquo casu speciali & extraordinario, quo DEUS velit, propter causas suæ Majestati notas, ducere quam-

piam animam aliâ viâ, non adeò tritâ & usitatâ: communiter autem, & ordinari facit Divina bonitas, quod dico, & quanto perfectiore ac sublimiore virtutem habuerit anima, tanto familiarius, meo iudicio, ager cum DEO, & Divina Majestas cum ipsa, tantoq; plura suscipiet ex ipsis manu dona ejus specialia ac Divina. Quod si DEUS se non multum communicet animabus, non aliam equidem esse causam existimo, quam imperfectam earum virtutem. Siquidem DEUS & ejus bonitas semper sibi est similis, & invariabilis, neq; mutare posset, vel mutavit unquam suum agendi modum, & bene novimus, quales misericordias Divina Majestas præstiterit animabus virtute præstantibus. Ideoq; si anima, quæ talem habuerit perfectionem virtutis, qualem ista, de qua sumus loquuti, ac dixerit, quod ipsi loquuntur DEUS, & visiter illam, ac ipsis Sancti, seq; ei communicet, dico, me id credere, & esse verum. Licet enim diabolus saepe attentet, req; ipsa conetur, se transfigurare in Angelum lucis, si quâ ratione forte illam possit decipere, quemadmodum cum pluribus Sanctis egit multis ac diversis vicibus; id tamen ita fiet, ut confidam in bonitate DEI, & in amore, quo Divina Majestas ipsam amat, non eventur id quod ipse intendit: & quamvis in principio, dum adhuc potest esse aliquod hujus rei periculum, attenuetur, non tamen cōfringetur, sempérq; spero in DEO, & in ipsis bonitate, fore, ut plerumq; dubius in hoc certamine pudeat ac vincatur: quia Divina Majestas speciale omni genit curam talis animæ, neq; illum relinquet inter dentes ac dolos suorum hostium, atq; etiam ipsa semper illum sequitur, & querer, ideoq; bene ei succident omnia: quod dico, ac intelligo etiam de ijs, qui se incipiunt impendere perfectæ virtuti (siquidem eadem perfecta virtus habet suum principium, suum medium, atq; id, quod videtur esse ipsis fratribus propter sublimitatem) quia de alijs illis animabus perfectis, & robustiore virtute præditis, amplius habetur certæ spes, ha-

beriq; potest, spectatâ DEI misericordiâ: sunt namq; jam quasi servi antiqui in domo sui Domini, & instar filiorum familias in domo sui Patris, vel instar Sponsæ sui dilecti Sponsi ac Domini, quas ipse novit, intiméq; habet perspectas, & scit ac intelligit, quales sint, novitq; ipsas ex loquela, ac earum moribus, & modo, quem in agendo observant; illæ quoq; percipiunt & intelligunt hæc opera ipsius misericordiæ, quomodo ex faciat, & peragat in anima. Unde anima, quæ, per DEI bonitatem, assequitur talem virtutem & familiaritatem cum Divina Majestate, procul est progressa, ad discernendam malam diabolî linguam, dum penetrat magnum discrimen, quod intercedit, inter communicationem ac modum agendi sui cari Domini, qui est unicum ipsius delicium, & malam linguam dæmonis. Neq; solum ex alloquijs & communicatione id agnoscetur, sed etiam ex illis, quæ consequentur; & effectibus, quos operabuntur in anima, tanquam omnium verissimis signis, ex quibus cognoscuntur ac discernuntur spiritus. Unde anima amans hoc modo suum DEUM & Dominum, ipsūmq; intelligens, sequitur illum, sicut innocens ovis sequitur sibulum sui boni pastoris ac defensoris, fugitq; hostem, qui illam vult rapere ac deripere: ideoq; hæc anima protegitur ac defenditur ab isto Divino & summo Pastore, Domino, & Sponso suo.

§. V.

Signa pro discernendis his spiritibus mihi videntur esse ista. Primò, Spiritus DEI, est Spiritus veritatis, bonitatis, & amor sapientiæ, ac pacis, suavitatis & consolationis, fortitudinis & perseverantiae in eo, quod dicit Divina Majestas, ac imperij & dominij, quod Divina Majestas habet atq; exercet in animam, cui se ita communicat, ut nullam ei vim inferendo (in ijs, ex quibus agnoscerre potest & intelligere id, quod ipsam vult docere, eiq; manifestare de suis Divinis secretis) suaviter, & cum solatio ac sine afflictione, hæc illi praestet, eâ ratione, ut quamvis se veller ab-

Aaaa z

Hoc

Hoc est meum judicium, de statu istarum animarum, quas D E U S, ex sua bonitate, tantopere amat; propterq; hunc amorem, quo eas complectitur, nisi habeat extraordinariam & specialem causam (qualem diximus, Divina Majestati posse suppetere, ut se communicet, ac manifestet aliquid suum secretum animabus, non adeò perfectis) aliumve finem: propter illam suam infinitam bonitatem, inquam, & eum magnum amorem, quo Divina Majestas illas amat, & amorem, quo ipsæ vicissim illum diligunt, dignatur, & vult, estq; ipsius voluntas, communicare se illis eâ ratione, easdemq; visitare, per se ipsum, & fuos Sanctos, ad eum modum, quo magnus Princeps & Rex ac Dominus se posset aperire, & pandere sua secreta aliquibus ministris domesticis, sibiq; unicè familiaribus, propter alterutram istam causam: Primo, ut committeret alicui suo ministro exequendum, vel aggrediendum negotium magni momenti, unde sit emereturum aliquid valde proficuum, & bonum pro ipsis statu, & Regno ac Domo: Secundo, non quidem ideò, neq; eo fine, sed quia illum tantopere amat, ut ob hunc solum amorem, quo ipsum prosequitur, nullo alio habito respectu, propè nihil habeat in suo pectore seu corde, quod illi non manifestet, cum eóq; conferat & ipsi communicet, atq; hac re delectetur; nec non ut ei satisfaciat in omnibus, quæ voluerit ac petierit, eo quod sciat, & optimè noverit, le ab hoc suo ministro, sibi intime familiari, ex toto corde ac anima amari, & illum quantum in eo est optare, maiorem ipsis honorem, & gloriam atq; incrementum ejus Domus, ac Ditionis & subditorum. Adeòq; iste Rex & Princeps, tanquam Dominus absolutus suæ Domus, & Ditionis, ac suorum ministrorum, jubet quod vult, ac agit pro suo beneplacito; & amat, vultq; hujusmodi bonis & fidelibus, ac sinceris ministris gratificari, & favere, ac rependere tam munificè illum ipsorum amorem, & fidelitatem, eamq; bonam voluntatem, quæ illi serviunt, comunicando se ipsis eâ ratione, præstan-


dóq; illis tam cumulatam gratiam, Ita se gerit Noster magnus D E U S ac Dominus, Rex & Princeps Supremus Noster, erga suos servos & familiares, quales sunt hujusmodi animæ, quia ipsum taliter amant, eiq; serviunt quantum, & cum ea fidelitate ac promptitudine, ut darent, exponerentq; pro illo suam vitam, & mille vitas, si eas haberent, quod totum ijs videbatur esse parum, propter magnum amorem, quo ipsum prosequuntur.

§. VI.

Reliqum jam est, dicere, quod plurimum in eo consistat, ne Pater spiritualis erret, in regendis ad gloriam Dei istis animabus, & in cognoscendo eorum statu, ut non careat tribus maximi momenti rebus, quæ ad securè in hoc negotio procedendum requiruntur, & sunt necessariae. Prima est, perfecta virtus & charitas, quæ D E U M toto suo corde amando, amet pariter animam, quam Divina Majestas commisit ipsis curz, ut illius Magister ac Dux in via virtutis, nihilq; aliud in illa desideret ac velit, nisi quod D E O fuerit gratius, magisq; conducterit ad gloriam Divinae Majestatis. Secunda est, prudentia ac discrecio maxima, ut sciat estimare & expendere debite ea, quæ convenienter statui illius animæ, animadvertisendo, non absq; attentione & oratione, procurandoq; quæ optimè poterit, ut cognoscat & intelligat ipsis virtutem ac Spiritum, neq; fidendo aut credendo facile omnibus, quæ primâ fronte illi visa fuerint, esse virtus & spiritus: quia si hac in re intervenit deroptio, fit, ut inde sequantur gravia mala ac damna illius animæ, quæ longum esset referre. Ideoq; unum tantummodo dicam, quod est, meo iudicio, summum, videlicet diabolum, quando hac viâ ducit aliquam animam illusam, quasi indies magis ipsi dominari, illamq; occupare, & quodammodo capere possessionem ejus domus, ut sensu ne sensu ipsam destruat, ac tandem circumveniat aliquibus suis mendacijs. Hoc, & alia

& alia magna damna adfert istud malum, & hæc deceptio. Tertium, idq; præcipuum est, ut sit vir prædictus spiritu & familiaris D E O, qui hoc modo cognoscat & intelligat, quid sit spiritus, & quid sit, agere cum D E O, neq; omnia damnet, & fortè animas Sanctas, quas D E U S ex sua infinita bonitate visitat, quibuscq; se communicat, & quas docet, vitam suam instituere juxta obedientiam, & alienum judicium, affligat ac turbet, & ne, quantum est in ipso, id faciendo, impedit ea, quæ agit ac operatur Spiritus Sanctus, continuè illis resistendo. Licet enim verum sit, à nemine posse impediri opera D E I, neq; illum esse tam potentem, nam deinq; manifestabuntur, & patet ipsius opera, & magnalia; nihilominus vult Di-
vina Majestas, ne illi reipsa obstatamus, neq; taliter repudiemus ejus opera & bonitatem, sed ut agnoscamus, ipsum esse eūdem Dominum, qui semper fuit, habereq; eandem bonitatem, quam semper habuit, & sicut novimus, quod ex eadem similiter illum posse ac velle se communicare nunc animabus quas amat sua bonitate se communicaverit multis animabus, quia illi vere serviunt. Nisi enim hac in re adfert Sancta, discretio, neq; Confessarius velit ad hoc attendere, vel id curare, etiam si D E U S se non sit ab ista anima absentaturus quo-
ad id, quod illi magis expediverit, fueritq; utilius, cùm ab ipsa repellitur, ut ei obediat, eò quod illam jubeat obtemperare suis Superioribus ac Magistris: imo, quia ipsam amat, feret illam in oculis & consolabitur, providebitq; ei suo tempore de alio

Magistro: tamen dum Divina Majestas ita permittit infligi istam animam, ad majus illius bonum, subtrahet suum lumen, ut puniat illum defectum, quem committit ipsius Magister, manebitq; in ea deceptione & obscuritate, ita ut non videat, neq; intelligat illuminationem D E I, nec specialia opera ipsius munificentia, & bonitatis ac misericordia atq; amoris, quo Divina Majestas amat animas: quæ si ab ea cognoscerentur & intelligerentur, fortè illi multum adferrent emolumenti & boni, non solum pro ipsius anima, sed etiam pro alijs animabus, cùm unâ candelâ accensâ, soleant accendi multæ: verum si ab aliquo obtegatur modo prædicto, extinguere enim illam hac ratione non erit possibile, non poterit emittere tam clarum lumen, neq; tam facile accendere alias; idemq; oportet bene ad id advertere. His tribus rebus mihi videtur opus habere, Confessarius & Pater Spiritualis, pro regen-
dis similibus animabus. Utinam D E U S, per viscera suæ infinitæ misericordia & bonitatis, largiatur talibus Magistris & Patribus Spiritualibus suam abundantissimam gratiam, ut in hoc negotio, & in omnibus assequantur, quæ sit Sancta ipsius voluntas; & animabus, quæ talia expertæ fuerint, concedat suum lumen & Sanctissimam gratiam, ut omnia bene agant, detq; illis Divina Majestas Magistrum, & gratiam convenientem ad majorem suam glo-
riam, & ipsarum profectum.



Aaaa 3

CAPUT

